



KEMENTERIAN PERDAGANGAN DALAM NEGERI
DAN KOS SARA HIDUP



BERITA

24 JAM

KPDN

KERATAN AKHBAR & BERITA ONLINE

Untuk makluman:

- | | |
|-----------------------|---------------------|
| ● YB Menteri | ● YBhg. TKSU (PPDN) |
| ● YB Timbalan Menteri | ● YBhg. TKSU (PP) |
| ● YBhg. KSU | ● Setiausaha Akhbar |

Tarikh: 24 Januari 2024



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR

KPDN



UNIT KOMUNIKASI KORPORAT

Penganggur mengaku bersalah tipu urusan cari rumah sewa

KOTA BHARU: Seorang penganggur mengaku bersalah di Mahkamah Sesyen di sini semalam atas dua pertuduhan menipu urusan perkhidmatan mencari rumah sewa dengan mengenakan bayaran sebanyak RM520 kepada seorang wanita, empat bulan lalu.

Tertuduh, Shaffiyah Virdanie Syamsul Amizan, 20, membuat pengakuan itu selepas pertuduhan terhadapnya dibaca di hadapan Hakim Noorah Osman.

Mahkamah bagaimanapun menangguhkan hukuman terhadap tertuduh sementara menunggu laporan sosial dari Jabatan Kebajikan Masyarakat (JKM) memandangkan wanita itu masih di bawah umur ketika melakukan kesalahan tersebut.

Mengikut kedua-dua pertuduhan, Shaffiyah Virdanie didakwa ber-setuju menerima bayaran sebanyak RM520 melalui sebuah akaun bank tanpa mempunyai alasan yang munasabah untuk dipercayai bahawa tertuduh dapat membekalkan perkhidmatan rumah sewa kepada seorang wanita.

Perbuatan itu dilakukan di sebuah bank di Taman Bendahara, Pengkalan Chepa di sini pada 14 dan 15 September tahun lalu.

Tertuduh didakwa mengikut Seksyen 25 (1) (b) Akta Pelindungan Pengguna 1999 yang memperuntukkan hukuman denda sehingga RM100,000 atau penjara maksimum tiga tahun atau kedua-duanya jika sabit kesalahan.

Pendakwaan dikedalikan oleh Timbalan Pendakwa Raya Kementerian Perdagangan Dalam Negeri dan Kos Sara Hidup (KPDN), Mohd. Sophian Zakaria dan Shafiq Mahadi manakala tertuduh tidak diwakili peguam.

Terdahulu, tertuduh dalam rayuannya memohon supaya mahkamah mengurangkan hukuman kerana sudah menyesal atas perbuatannya dan berjanji tidak akan mengulangi kesilapan itu.



ARMIZAN (kiri) bersama Ketua Menteri Melaka, Datuk Seri Ab. Rauf Yusoh memeriksa harga barangan keperluan asas di sebuah pasar raya di Melaka semalam.

KPDN pantau pihak ambil kesempatan tarif air naik

Tiada sebab harga barangan dinaikkan

Oleh AMRAN MULUP

ALOR GAJAH – Kementerian Perdagangan Dalam Negeri dan Kos Sara Hidup (KPDN) akan mengambil tindakan tegas sekiranya ada peniaga menaikkan harga barangan selepas penguatkuasaan pelarasan tarif baharu air bermula 1 Februari ini.

Menterinya, Datuk Armizan Mohd. Ali berkata, pelarasan tersebut hanya melibatkan tarif air dan tidak sepatutnya memberi kesan berlakunya kenaikan harga barang.

Menurutnya, KPDN akan memantau situasi tersebut selain bersedia menerima sebarang aduan jika berlaku unsur-unsur pencatutan.

"Tidak ada sebab berlakunya kenaikan harga barangan secara langsung kerana ia sekadar melibatkan pelarasan tarif baharu air.

"Namun kita sedang meneliti untuk menerima sebarang aduan sekiranya berlaku unsur-unsur pencatutan dan saya berharap perkara ini tidak akan terjadi," katanya.

Beliau berkata demikian selepas merasmikan Majlis Pelancaran Jualan Ihsan Rahmah (PJIR) Tahun Melawat Melaka (TMM) 2024 di sebuah pasar raya di Masjid Tanah, di sini semalam.

Sebelum ini, Suruhanjaya Perkhidmatan Air Negara (SPAN) mengumumkan pelarasan kadar tarif air di bawah Mekanisme Penetapan Tarif bagi pengguna kategori domestik di seluruh Semenanjung dan Labuan yang akan berkuat kuasa bermula 1 Februari depan.

Pelarasan tarif air domestik itu melibatkan kenaikan purata sebanyak 22 sen bagi setiap meter padu.

Jelas Armizan, PJIR merupakan salah satu inisiatif KPDN bersama pihak swasta dan industri sebagai cabang baharu Agenda Payung Rahmah.

Menurutnya, melalui program itu, sekumpulan pemain industri sektor peruncitan meliputi pasar raya dan pasar raya besar di Melaka dapat mewujudkan kerjasama strategik dengan Kementerian untuk menawarkan jualan diskaun bulanan.

"Ini sekali gus menyediakan platform untuk sektor swasta dan industri memberikan sumbangan ihsan sebagai citra kepedulian mereka terhadap agenda kerajaan menangani isu kos sara hidup rakyat.

"PJIR akan dilaksanakan secara serentak di seluruh negeri ini pada setiap 24 haribulan bermula dari Januari sehingga Disember 2024," jelasnya.

Penganggur mengaku bersalah tipu urusan cari rumah sewa

KOTA BHARU – Seorang penganggur mengaku bersalah di Mahkamah Sesyen di sini semalam atas dua pertuduhan menipu urusan perkhidmatan mencari rumah sewa dengan mengenakan bayaran sebanyak RM520 kepada seorang wanita, empat bulan lalu.

Tertuduh, Shaffiyah Virdanie Syamsul Amizan, 20, membuat pengakuan itu selepas pertuduhan terhadapnya dibacakan di hadapan Hakim Nooriah Osman.

Mahkamah bagaimanapun menangguhkan hukuman terhadap tertuduh sementara menunggu laporan sosial dari Jabatan Kebajikan Masyarakat (JKM) memandangkan wanita itu masih di bawah umur ketika melakukan kesalahan tersebut.

Mengikut kedua-dua pertuduhan, Shaffiyah Virdanie didakwa bersetuju menerima bayaran sebanyak RM520 melalui satu akaun bank tanpa mempunyai alasan yang munasabah untuk dipercayai bahawa tertuduh dapat membekalkan perkhidmatan rumah sewa kepada seorang wanita.

Perbuatan itu dilakukan di sebuah bank di Taman Bendahara, Pengkalan Chepa di sini pada 14 dan 15 September tahun lalu.

Tertuduh didakwa mengikut Seksyen 25 (1) (b) Akta Pelindungan Pengguna 1999 yang mem-



AHLI keluarga melindungi wajah Shaffiyah Virdanie (tiga dari kiri) daripada dirakam lensa kamera semasa tiba di Mahkamah Sesyen Kota Bharu semalam. - ROSMIZAN RESDI

peruntukkan hukuman denda hingga RM100,000 atau penjara maksimum tiga tahun atau kedua-duanya jika sabit kesalahan.

Pendakwaan dikendalikan oleh Timbalan Pendakwa Raya Kementerian Perdagangan Dalam Negeri dan Kos Sara Hidup (KPDN), Mohd. Sophian Zakaria dan Shafiq Mahadi, manakala

tertuduh tidak diwakili peguam.

Terdahulu, tertuduh dalam rayuannya memohon supaya mahkamah mengurangkan hukuman kerana sudah menyesal atas perbuatannya dan berjanji tidak akan mengulangi kesilapan itu.

Mahkamah kemudian menetapkan 14 Februari ini untuk prosiding jatuh hukum.



AB Rauf (kanan) bersama Armizan (dua dari kiri) meninjau harga barangan keperluan pada program Jualan Ihsan Rahmah sempena Tahun Melawat Melaka 2024 di sebuah pasar raya, semalam.

TARIF BAHARU AIR DI MELAKA

Diumumkan hari ini

Oleh Amir Mamat
 am@hmetro.com.my

Masjid Tanah

Kerajaan negeri akan memutuskan tarif baharu air di Melaka hari ini dan ia pastinya tidak terlalu membebankan pengguna, kata Ketua Menteri Datuk Seri Ab Rauf Yusoh.

Menurut Ab Rauf, keputusan berkaitan kadar tarif baharu air itu sudah pasti mengutamakan kepentingan pengguna serta pemegang taruh.

"Pelarasan tarif ini tidak akan terlalu membebankan pengguna, sekali gus membantu kelestarian bekalan air kepada semua pihak.

"Had siling pelarasan baharu tarif air adalah 22 sen. Jadi kita akan lihat di Melaka, dalam had yang ada, berapa jauh (dalam lingkungan) 22 sen itu

yang Melaka boleh sampai (selaras caj)," katanya.

Pada masa sama, Kementerian Perdagangan Dalam Negeri dan Kos Sara Hidup (KPDN) akan mempertingkatkan pemantauan terhadap harga makanan susulan penguatkuasaan pelarasan tarif baharu air bermula 1 Februari ini.

Menterinya, Datuk Armizan Mohd Ali berkata, langkah itu sebagai mengekang tindakan peniaga yang mungkin akan mengambil kesempatan dengan kenaikan tarif air

berkenaan.

Katanya, beliau mengakui pelarasan berkenaan hanya merangkumi tarif air dan bukan secara langsung terhadap barangan jualan perniagaan.

"Kita akan melihat (memantau) kerana keputusan untuk menaikkan tarif air adalah keputusan bersama (kerajaan) yang juga membabitkan kerajaan negeri serta Majlis Air Negera.

"Kita akan meneliti sekiranya terdapat unsur-unsur pencatutan (namun) kita berharap tak ada, sebab ia hanya membabitkan air dan bukannya barangan secara langsung," katanya.

Beliau berkata demikian selepas pelancaran Program Jualan Ihsan Rahmah (PIJR) sempena Tahun Melawat Melaka 2024 (TMM 2024) bersama Ab Rauf Yusoh di sebuah pasar raya di sini, semalam.

"Pelarasan tarif ini tidak akan terlalu membebankan pengguna, sekali gus membantu kelestarian bekalan air kepada semua pihak"

Penjawat awam direman kemuka tuntutan palsu Program Jualan Rahmah

Alor Setar: Seorang penjawat awam direman lima hari mulai kelmarin bagi membantu siasatan berhubung tuntutan palsu pembayaran Program Jualan Rahmah 2023 berjumlah RM22,000. Perintah reman berkenaan dikeluarkan Majistret Muhammad Zul Hilmi Latif se-

lepas Suruhanjaya Pencegahan Rasuah Malaysia (SPRM) membuat permohonan.

Terdahulu, SPRM menahan suspek wanita berusia 30-an ketika hadir memberi keterangan di pejabat SPRM Kedah kira-kira jam 9 malam Ahad lalu.

Sumber berkata, suspek dipercayai menjadi perancang utama dan berpakat dengan pemilik syarikat untuk menggunakan invois mengandungi butiran palsu di mana kuantiti jualan melebihi kuantiti sebenar yang terjual.

Perkara ini dikesan apabila invois yang dikemukakan tidak sama mengikut Laporan Ringkas Program Jualan Rahmah 2023 yang dikeluarkan Pejabat Kementerian Perdagangan Dalam Negeri dan Kos Sara Hidup (KPDN) Kedah.

Sementara itu, Pengarah SPRM Kedah, Soock Wee a/l Ei Tem ketika dihubungi mengesahkan tangkapan dan kes disiasat mengikut Seksyen 18 Akta SPRM 2009.

SPRM menahan suspek wanita ketika hadir memberi keterangan



SPRM Kedah menahan seorang penjawat awam kerana disyaki menggunakan dokumen invois bagi tujuan tuntutan palsu pembayaran Program Jualan Rahmah berjumlah RM22,000.

Tarif air baharu bukan alasan naik harga barang – Armizan



Ab Rauf (tiga dari kanan) bersama Armizan (tengah) meninjau harga barangan keperluan pada program Jualan Ihsan Rahmah TMM2024 di Masjid Tanah pada Selasa.

ALOR GAJAH - Kementerian Perdagangan Dalam Negeri dan Kos Sara Hidup (KPDN) memberi amaran kepada peniaga agar tidak melakukan sebarang unsur pencatutan serta menaikkan harga barangan berikutan kadar baharu tarif air pada Februari ini.

Menteri KPDN, Datuk Armizan Mohd Ali berkata, bagi memastikan keadaan itu tidak berlaku, pihaknya mengalu-alukan aduan pengguna sekiranya terdapat kenaikan barang di paras membebaskan rakyat.

"Kita akan meneliti sebarang aduan sekiranya terdapat unsur-unsur pencatutan dan kita harap ia tidak berlaku.

"Air ini bukanlah secara langsung menyebabkan harga barangan akan

naik," katanya.

Beliau berkata demikian selepas menyempurnakan Majlis Pelancaran Jualan Ihsan Rahmah (PJIR) Tahun Melawat Melaka 2024 (TMM2024) bersama Ketua Menteri Melaka, Datuk Seri Ab Rauf Yusoh di pasar raya di Masjid Tanah di sini pada Selasa.

Suruhanjaya Perkhidmatan Air Negara (SPAN) pada 17 Januari lalu memaklumkan tarif baharu air bagi kategori domestik di Semenanjung dan Wilayah Persekutuan Labuan yang berkuat kuasa 1 Februari depan melibatkan kenaikan purata sebanyak 22 sen bagi setiap meter padu.

Dalam perkembangan lain, Armizan berkata, PJIR TMM2024

adalah inisiatif awal yang dirintis agar sekumpulan pemain industri sektor peruncitan termasuk pasar raya dapat mewujudkan kerjasama strategik dengan KPDN untuk menawarkan program jualan diskaun bulanan.

Jelas beliau, program yang akan dilaksanakan secara serentak di seluruh negeri pada setiap 24 hari bulan itu akan melibatkan 11 jenama pasar raya di 58 lokasi premis peruncitan.

Menurutnya, penawaran harga rahmah itu termasuk barangan keperluan dapur dan harian seperti lampin pakai buang bayi, sabun mandi, sabun pencuci pinggan, beras, telur, minyak masak botol serta susu pekat.

Price watch after water tariff revision

ALOR GAJAH: Domestic Trade and Cost of Living Minister Datuk Armizan Mohd Ali has expressed hope that traders, especially those selling food, will not raise prices after the implementation of the new water tariff adjustment from Feb 1.

He said the government would monitor the situation as the move to

raise the water tariff follows a joint decision by the Cabinet and state governments as well as consensus at a meeting of the 5th National Water Council.

He added that the ministry would keep tabs whether there are elements of profiteering.

Armizan was speaking at the

launch of an *Ihsan Rahmah* sales programme.

On Jan 17, the National Water Services Commission said the tariff adjustment for domestic users in Peninsular Malaysia and the Federal Territory of Labuan, would see an average increase of 22 sen per cubic metre of water. – Bernama



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR **AGENSI**



UNIT KOMUNIKASI KORPORAT

MyCC sukar siasat isu kartel beras

Oleh **MOHD. HAFIZ
ABD. MUTALIB**
hafiz.mutalib@mediamulja.com.my

ARAU: Suruhanjaya Persaingan Malaysia (MyCC) pasti berdepan kesukaran menyiasat isu 'kartel beras' kerana kilang-kilang dan pemborong-pemborong besar beras tidak berpakat menentukan harga beras.

Sebaliknya, apa yang berlaku ialah ada sebahagian pemborong yang bertindak mencampurkan beras tempatan dan beras import.

Pemborong terbabit kemudiannya menjual beras campur itu sebagai beras import menyebabkan pengguna terkesan dengan harga beras yang tinggi manakala bekalan beras tempatan tiada di pasaran.

Bercakap kepada *Utusan Malaysia*, Pengerusi Gabungan Pengilang-Pengilang Beras Malaysia, Marzuki Othman mendakwa, terdapat pemborong besar yang menguasai lebih 60 peratus pasaran beras negara dan siasatan boleh ditumpukan kepada isu berkenaan.

"Fokus kepada pemborong besar yang memanipulasi situasi ini yang menyebabkan bekalan beras tempatan sering tiada di pasaran.

"MyCC tidak boleh ambil tindakan terhadap kilang-kilang besar melainkan mereka berpakat sesama mereka menentukan harga untuk menekan pengguna. Mereka (kilang-kilang besar



MyCC tidak boleh ambil tindakan terhadap kilang-kilang besar melainkan mereka berpakat sesama mereka menentukan harga untuk menekan pengguna. Mereka (kilang-kilang besar ini) tidak tentukan harga sebaliknya pemborong yang mencampur beras."

MARZUKHI OTHMAN

ini) tidak tentukan harga sebaliknya pemborong yang mencampur beras," katanya.

Kelmarin *Utusan Malaysia* melaporkan, Kementerian Pertanian dan Keterjaminan Makanan (KPKM) menerusi Kawalselia Padi dan Beras sedang bekerjasama dengan MyCC bagi menyiasat isu kartel yang didakwa menekan pesawah.

Menteri Pertanian dan Keterjaminan Makanan, Datuk Seri Mohamad Sabu dilaporkan berkata, MyCC perlukan sedikit masa bagi memahami dan mempelajari tentang keseluruhan rantai dalam industri padi dan beras negara.

Baru-baru ini, Marzuki dilaporkan sebagai berkata, 'mafia' dalam industri beras negara memang wujud dan sedang menipu pengguna dan kerajaan kerana penguat kuasa tidak berupaya menentukan antara beras tempatan dan import.

Sementara itu, beliau berkata, langkah terbaik untuk menyelesaikan isu berkenaan adalah menyeragamkan beras tempatan dan import menjadi satu gred sahaja seterusnya menetapkan satu harga.

Katanya, jika langkah tersebut tidak dilakukan, masalah kekurangan bekalan beras tempatan akan terus berulang berikutan tindakan menukar gred atau mencampur beras tempatan menjadi import sekali gus mengaut keuntungan.

"Tetapkan satu gred sahaja kemudian tetapkan harga yang seragam. Saya juga beberapa kali mengetengahkan perkara ini agar ia mendapat perhatian dalam usaha menyelesaikan isu manipulasi beras ini," katanya.

Sementara itu, Marzuki memberitahu, pihak MyCC masih belum menghubunginya bagi mendapatkan kerjasama atau maklumat.



KEMENTERIAN PERDAGANGAN DALAM NEGERI
DAN KOS SARA HIDUP

BERITA ONLINE

KPDN



UNIT KOMUNIKASI KORPORAT

BERITA ONLINE BERTARIKH 24 JANUARI 2024

TARIKH	TAJUK	PAUTAN	MEDIA
24-Jan	Jualan Ihsan Rahmah setiap 24 hari bulan, rancakkan Tahun Melawat Melaka	https://malaysia-tribune.news/2024/01/23/jualan-ihsan-rahmah-setiap-24-hari-bulan-rancakkan-tahun-melawat-melaka/	MALAYSIA TRIBUNE
24-Jan	Jualan murah di pasar raya terpilih setiap 24 hari bulan	https://www.melakahariini.my/jualan-murah-di-pasar-raya-terpilih-setiap-24-hari-bulan/	MELAKA HARI INI
24-Jan	Kenaikan tarif air: KPDN beri amaran kepada peniaga naikkan harga	https://malaysiagazette.com/2024/01/23/kenaikan-tarif-air-kpdn-beri-amaran-kepada-peniaga-naikkan-harga/	MALAYSIA GAZETTE
24-Jan	Tarif air: KPDN harap peniaga tidak naikkan harga jualan	https://www.sinarharian.com.my/article/645811/berita/nasional/tarif-air-kpdn-harap-peniaga-tidak-naikkan-harga-jualan	SINAR HARIAN
24-Jan	KPDN harap peniaga tidak naikkan harga jualan susulan pelarasan tarif air	https://selangorkini.my/2024/01/kpdn-harap-peniaga-tidak-naikkan-harga-jualan-susulan-pelarasan-tarif-air/	SELANGOR KINI
24-Jan	Kenaikan tarif air, KPDN harap tiada unsur pencatutan	https://berita.rtm.gov.my/nasional/senarai-berita-nasional/senarai-artikel/kenaikan-tarif-air-kpdn-harap-tiada-unsur-pencatutan	BERITA RTM
24-Jan	Pelarasan tarif air: Tiada sebab berlaku kenaikan harga barangan	https://suaramerdeka.com.my/pelarasan-tarif-air-tiada-sebab-berlaku-kenaikan-harga-barangan/	SUARA MERDEKA
24-Jan	Pelarasan tarif air: Tiada sebab berlaku kenaikan harga barang	https://www.utusan.com.my/berita/2024/01/pelarasan-tarif-air-tiada-sebab-berlaku-kenaikan-harga-barang/	UTUSAN MALAYSIA
24-Jan	Pelarasan tarif air: KPDN harap peniaga tak naikkan harga jualan	https://www.melakahariini.my/pelarasan-tarif-air-kpdn-harap-peniaga-tak-naikkan-harga-jualan/	MELAKA HARI INI
24-Jan	Tarif air baru di Melaka diketahui esok, tidak terlalu bebaskan rakyat - Ab Rauf	https://www.hmetro.com.my/amp/mutakhir/2024/01/1053307/tarif-air-baru-di-melaka-diketahui-esok-tidak-terlalu-bebankan-rakyat-ab	HARIAN METRO

24-Jan	Pelarasan tarif air: Tiada sebab berlaku kenaikan harga barang	https://www.kosmo.com.my/2024/01/23/pelarasan-tarif-air-tiada-sebab-berlaku-kenaikan-harga-barang/	KOSMO
24-Jan	'Tarif air baharu, bukan alasan naik harga barang'	https://www.sinarharian.com.my/article/645819/edisi/melaka-ns/tarif-air-baharu-bukan-alasan-naik-harga-barang	SINAR HARIAN
24-Jan	Water Tariff Adjustment: KPDN hopes traders will not increase sales prices	https://thesun.my/local_news/water-tariff-adjustment-kpdn-hopes-traders-will-not-increase-sales-prices-LC12017279	THE SUN
24-Jan	Op Tiris 3.0: KPDN rampas minyak diesel bersubsidi diseleweng	https://www.utusan.com.my/berita/2024/01/op-tiris-3-0-kpdn-rampas-minyak-diesel-bersubsidi-diseleweng/#google_vignette	UTUSAN MALAYSIA
24-Jan	KPDN Negeri Sembilan rampas 9,000 liter diesel, dua lelaki tempatan ditahan di Rembau	https://www.bernama.com/bm/news.php?id=2264865	BERNAMA
24-Jan	Penganggur mengaku bersalah tipu urusan cari rumah sewa	https://www.utusan.com.my/berita/2024/01/penganggur-mengaku-bersalah-tipu-urusan-cari-rumah-sewa/	UTUSAN MALAYSIA
24-Jan	Melaka to hold PJIR every 24th, as a VMY2024 highlight	https://www.nst.com.my/news/nation/2024/01/1004741/melaka-hold-pjir-every-24th-vmy2024-highlight	NEW STRAITS TIMES
24-Jan	11 pasar raya terpilih di Melaka laksana Jualan Ihsan Rahmah	https://www.melakahariini.my/11-pasar-raya-terpilih-di-melaka-laksana-jualan-ihsan-rahmah/	MELAKA HARI INI
24-Jan	Pemilik stesen minyak cuba rosakkan bahan bukti	https://www.sinarharian.com.my/article/645878/berita/semasa/pemilik-stesen-minyak-cuba-rosakkan-bahan-bukti	SINAR HARIAN
24-Jan	Water Tariff Adjustment: KPDN hopes traders will not increase sales prices	https://www.bernama.com/en/news.php?id=2264863	BERNAMA
24-Jan	Pelarasan tarif air, peniaga jangan ambil kesempatan naik harga - KPDN	https://www.astroawani.com/videos/video-terkini-x7sio1/pelarasan-tarif-air-peniaga-jangan-ambil-kesempatan-naik-harga-kpdn-x8rpefv	ASTRO AWANI
24-Jan	TMM2024: Jangan ambil kesempatan naikkan harga	https://www.melakahariini.my/tmm2024-jangan-ambil-kesempatan-naikkan-harga/	MELAKA HARI INI